




BEES-BULLETIN

DIT GAAN OOR MEER AS NET KOEITJIES EN KALFIES

September 2026

Belowe? Op jou woord van eer? Nie vals nie? Sweer? 'n Belofte is 'n belofte en word nooit gebreek nie.

Kinderjare se praatjies, party kinders is aangespreek oor die woorde wat gebruik is, ander is kamer toe gestuur. Badkamer toe, gaan wag solank daar vir my!

Klink bekend aan sommige, ander is miskien salig onbewus. Toe het ouers nog geweet wat met kinders aangaan, ook wat in hulle lewens aangaan. Wat sal die motivering wees om te dink in die veranderende wêreld? Die rekenaar weet alles.

Hoekom kry die mens dit nie reg om die perfekte bees te teel nie? Die pad is mos al lank – hoe lank teel die mens beeste wat beter is? Die enkele bees waarmee al die ander vergelyk word, die 'bloudruk'? Hoe lyk die betrokke bees? Die genetika sal gesog wees, duur, nodig vir vooruitgang, om die beste te wees. Wat verhoed dit? Die mens sal nooit ten volle weet nie, op die beste ten dele, dit staan in die Bybel.

Genetika se antwoorde is verskuil in biljoene gene, soos dit geskep is, sonder beheer van mense. Ons kan almal wel aanhou probeer.

Rekords is egter nie soos beloftes nie, hulle word gebreek. Gelukwense aan Carel en Anita Nel met die bul Grasmunt Koning, wat die prestasie behaal het as die duurste DRAKENSBERGER bul wat tot nog toe verkoop is. Welverdiende beloning vir opregte geloof en vertroue in die Drakensberger bees. Welgedaan, geniet dit.

Ek staan windverwaai in 'n kraal anderkant Kuruman en kyk na beeste waaruit Kobus Poolman en sy seun Henri die Two Hills stoet registreer het. Die kind is beter as die ma, die ma beter as die ouma. Visueel is die beskikbare norm, onderliggend broei die genetika, die kern. Ek het deur die jare darem ook iets van beeste geleer, ek het bokant die wind gestaan. Slim nê?

Mooi loop

Johann Fourie

PS. Die Genootskap is volgende jaar 80 jaar oud – prysenswaardig. Die geskiedenis is interessant en leersaam, dit bou aan die ryke tradisie. Hiermee my uitnodiging aan Piet de Villiers wat sy trotse pad geloop het met die Rietkol stoet. Deel dit met ons almal Piet, jy is deel van die gesig van die Drakensberger.



**Met dank aan
Black Hills, ons
September-borg**

Inhoudsopgawe

Brief van die President	1
Borg: Black Hills	2
Nuusbrokkies	3-4
Grasmunt kraai Koning	5-6
IDTrax Gebruikersgids	7-8
Korrektiewe Paring	9-10
RMIS Naspeurbaarheid	11-12
Wie doen wat by die Raad?	13-14
Borge	15
Voerkraalnommers	16
Stoettelers	18



Black Hills
ESTD . 2009

**DRAKENBERGER
STOET**

Alle bulle is:
Myostatin NT821 vry,
vaderskappe genomies
bevestig,
BKS geënt – SAT1. 2 en 3

4^{de} Produksieveiling
22 September 2026

082 719 7521 📞 083 257 8511
jean@blackhills.co.za 📧 willie@blackhills.co.za
📘 facebook.com/blackhillsattlebreeders
📷 instagram.com/black.hills.cattle.breeders

Saktyd vir Oktober-nuusbrief:
25 September 2026

BEES-BULLETIN **2**
September 2026



Nuusbrokkies

Verjaarsdae

Baie geluk aan almal wat in September verjaar:

- 4 September - Elsabé Deacon
- 14 September - Pieter van Zyl
- 17 September - Jan Dhooge
- 17 September - Grant Naude
- 20 September - Magiel Blom
- 21 September - Willie Landman
- 25 September - Henk Louwrens
- 26 September - Matthys Blom
- 29 September - Pieter Esterhuizen

Deel asseblief jou nuus met ons!

Stuur 'n e-pos na die kantoor:
drakensberger@studbook.co.za of
WhatsApp +27 71 283 9943

Kontak ons

(+27) 51 410 0974 071 283 9943
drakensberger@studbook.co.za
<https://drakensbergers.co.za/>

Advertensies of menings uitgespreek in die
nuusbrief is dié van die skrywers, en nie
noodwendig die van die Genootskap nie.

Unistel DNA-toetse

Die Genootskap kon 'n spesiale afslag beding met Unistel vir DNA-toetse op profile en vaderskappe. Die pryse is as volg:

Unistel DNA toetse	Koste per dier vir profiel (BTW ingesl.)
Normale prys vir 2026 < 30	R 282.56
Meer as 30 (-5% afslag)	R 268.43
Meer as 60 (-7.5% afslag)	R 261.36
Meer as 120 (-10% afslag)	R 254.30

Kontak Unistel vir meer inligting, en onthou om die ras aan te dui vir die spesiale afslag om te geld.

WHATSAPP-GROEP:

Word deel van ons WhatsApp-groep.
Ons deel belangrike nuus, maar dit is nie 'n "spam"-groep of saamgeselsgroep nie.



Kliek op die skakel (op jou selfoon):
<https://chat.whatsapp.com/LZrhtyvdjr42IOAT-Z1tRCr>




FOTO-VRYDAG

Het jy 'n mooi foto van jou Drakensbergers wat jy graag met ons wil deel? Stuur dit asseblief na

drakensberger@studbook.co.za

Op Vrydae deel ons Drakensbergerfoto's op ons sosiale media. Suzaan Visser het hierdie foto met ons gedeel.

KUIER SAAM OP ONS
Sosiale media



<https://www.facebook.com/DrakensbergerSA>



<https://www.instagram.com/drakensbergersa/>

BEES-BULLETIN **3**
September 2026



Kom leen jou ORE uit!



Ons het twee artikels laat opneem, en dit kan op Spotify of YouTube geluister word.

Dis lekker om na te luister as jy op pad is, êrens moet wag, of dalk selfs om jou aan die slaap te sus!

Gee asseblief vir ons terugvoer hieroor. As dit gewild is, sal ons graag nog opnames in die toekoms wil deel.

Volg hierdie skakel na Spotify: <https://tinyurl.com/yc4uktpH>

Volg hierdie skakel na YouTube: <https://tinyurl.com/38cdhtus>



SA Stamboek Genomiese Diens vir Vleisbeeste

BGP2-fondse vir jaar 3 is goedgekeur en deur die befondser uitbetaal.

Vir die derde en laaste jaar van BGP2 sal die befondser genomiese toetse subsidieer met R420-00. SA Stamboek sal 'n addisionele subsidie van R104-00 aan SA Stamboek-telers toeken.

Dus beloop die totale koste vir die teler R549-00, BTW uitgesluit.

Daar is geen afwykings van die oorspronklike BGP2-voorstel soos goedgekeur aan die begin van die 3-jaarprojek nie.

SA Stamboek is gereed en wag op monsters vir jaar 3 van BGP2.

Kontak ons kantoor vir meer inligting:

drakensberger@studbook.co.za



GRASMUNT KRAAI KONING

Artikel deur Carel Nel


Tydens die veiling van SHDK op 20 Augustus 2026, is 'n nuwe rekord-prys van R575 000 vir 'n Drakensberger opgestel. Die bod is deur Johan Wessels gemaak.

Die vorige Drakensbergerrekord is 13 jaar gelede behaal met HN090023 vir R345 000 op die Neuman-broers veiling.

Grasmunt Koning CL 2067

Twee dae na sy geboorte het ek en Stephan, my beesteman, hom geweeg en oorkode ingeknip. Met sy wegstap het ek genoem dat hier 'n klein "koning" van ons af wegstap. Hy het eenvoudig as kalfie 'n meerderwaardige houdinkie ingeneem. Koppie trots as hy vir jou kyk met toe al 'n besonderse bouwvorm en perfekte beentjies. Sy aangetekende Stoetnaam was Grasmunt Mandaat 2 maar daar was van die begin af ALTYD na hom verwys as Koning. En sy naam was tot onlangs by Stamboek nog Mandaat 2 – tot 'n medeteler vir my vra wat dan van Koning geword het en toe, met sy voorstel, Mandaat 2 met Koning vervang. Nou weet almal wie Koning is.

Grasmunt Koning is absoluut die resultaat van die beplande saamvoeg van die beste teelmateriaal in my Stoet oor jare heen. Sy Moeder en beide oumas is goue koeie en as mens nog verder terug gaan het die grootoumas TKP's van 385 dae oor 8 kalwers en 395 dae oor 11 kalwers. En dan het uitstaande Bulle soos CL 0448 Grasmunt Kok2, CL 0602 Grasmunt Bunker 2, CL 0954 Grasmunt Koper, CL 1624 Grasmunt Chappie en HN 0235 deel gevorm van 'n beplande doelwit om die ideale



of perfekte funksionele dier te teel wat volkome omskryf kan word binne die Standaard van voortreflikheid van die Drakensberger ras.

Maar miskien is die heel belangrikste eienskap van hierdie bul die feit dat hy al hierdie goeie eienskappe met sterk erfdwang aan sy nageslag oordra. Sy kalwertjies is so maklik uitkenbaar tussen die ander want hulle dra 'n spesifieke eenvormige fenotipe. En hierdie eenvormige, en vir my die ideale raamgrootte, word nou in sy derde stel nageslag elke jaar in



my kudde bevestig. Dit is die resultaat waarna ek al die jare gestreef het, en wat 'n groot voorreg om te weet dat Koning nou ook in ander kuddes 'n positiewe bydrae kan lewer. My opregte dank aan Johan Wessels wat gesorg het vir hierdie grootste mylpaal in my en die Grasmunt Stoet se bestaan.

Niks van hierdie sou ooit moontlik kon wees sonder die hulp en leiding van my Hemelse Vader nie. Ek beskou myself maar net as die hoof uitvoerende beampte op die stukkie aarde waar ek die voorreg het om te bly en te boer en die diere wat aan my toevertrou is en waarvoor ek rentmeesterskap aanvaar het. Wat 'n genade voorreg waarvoor ek onuitspreeklik dankbaar is.



Tussen die koeie



Hier was hy in die veld by sy koeie

"Ek beskou myself maar net as die hoof uitvoerende beampte op die stukkie aarde waar ek die voorreg het om te bly en te boer en die diere wat aan my toevertrou is en waarvoor ek rentmeesterskap aanvaar het"



IDTrax Gebruikersgids

Van Registrasie tot Bestelling van Entstowwe

Indien jy 'n geregistreerde stoetteler is, kan jy met behulp van die volgende stappe by ID-Trax aanmeld via Logix.

Let wel: Alle diere wat op Logix geregistreer is, sal outomaties op IDTrax beskikbaar wees.

Inligting wat jy moontlik benodig

- RMIS GLN (Produksie-eenheidnommer)
- Jou veearts se GLN of naam
- Bestuurder-, voertuig- en sleepwalisensies (opsioneel – nie verpligtend nie)

Stap 1: Maak die Logix-stelsel oop

- Meld aan met jou:
 - » Logix-gebruikersnaam
 - » Logix-wagwoord
- Kliek op die "Go to IDTrax"-knoppie aan die linkerkant van die skerm.
- Jy sal outomaties na die IDTrax-webwerf geneem word.

Stap 2: Voeg jou plaas/plase by

- 'n Kaartskerm sal verskyn.
- Soek vir jou naaste dorp of gebruik jou GPS-koördinate om jou produksie-eenheid op te spoor.

Indien jy GPS-koördinate gebruik:

- Kliek op die "GPS Coords"-knoppie links langs die soekveld.
- Voer jou GPS-koördinate in.
- Let wel: Die "-" (minus) voor die GPS-koördinate dui die breedtegraad (Latitude) aan.

Voltooi daarna die volgende:

- Kliek op "Add Farm".
- Kies jou Portion (Gedeelte).
- Vul jou:
 - » Plaasnaam
 - » GLN-nommer in.
- Kliek op "Save".
- Kliek daarna op "Next Step" regs bo op die skerm.

Stap 3: Ken jou diere aan 'n plaas toe

- Die volgende skerm sal al jou diere wys wat op Logix geregistreer is.

Indien al jou diere op dieselfde plaas is:

- Gebruik die merkblokkie (checkbox) om al die diere gelyktydig te kies.

Indien jou diere op verskillende plase is:

- Kies die diere een vir een en ken hulle aan die korrekte plaas toe.

BELANGRIK VIR ENTSTOFBESTELLINGS:

Indien jy dringend entstof benodig, kan jy eers al die diere tydelik aan een plaas toeken om jou bestelling te plaas. Nadat die bestelling voltooi is, kan jy die diere weer aan hul onderskeie plase toeken.

- Nadat al die diere gekies is, kliek op "Allocate Selected Animals" regs onder op die skerm.
- Kliek daarna op "Next Step".



BEES-BULLETIN

September 2026



Stap 4: Nomineer jou veearts

- Die volgende skerm laat jou toe om jou veearts te kies.

Jy kan jou veearts soek volgens:

- GLN-nommer
- Praktyknaam
- Provinsie (aftreklys)
- Kies jou veearts.
- Klik op "Save".
- Klik op "Next Step".
- Klik daarna op "Finish Guide".

4

Stap 5: Bestel jou entstowwe

Nadat die gids voltooi is, sal jy outomaties na die IDTrax Tuisblad (Dashboard) geneem word.

Aan die regterkant van die skerm sal die volgende kategorieë verskyn:

- Administratief
- Diere
- Bewegings
- Kuddegeseondheid
- Klik op Kuddegeseondheid (Herd Health).
- Kies Entstofbestellings (Vaccine Orders).
- Klik op "+ New Vaccine Order".

(Stap 5 vervolg)

Voltooi die volgende besonderhede:

Siekte

- Bek-en-klouseer (FMD)

Entstof/Behandeling

- Hierdie veld hoef nie ingevul te word nie.
- Die stelsel sal die toepaslike opsie outomaties invul.

Voorkeurveearts

- Kies jou genomineerde veearts uit die aftreklys.

Plaas GLN

- Kies jou GLN uit die aftreklys.

Hoeveelheid

- Vul die maksimum toegelate hoeveelheid in.
- Die maksimum hoeveelheid wat bestel mag word, word in geel onder die hoeveelheidveld aangedui.
- Kies die verlangde entstof.
- Bevestig die hoeveelheid.
- Hersien jou bestelling.
- Bevestig die afleweringbesonderhede.
- Voltooi die bestelling.

5

Stap 6: Volg jou entstofbestelling

Jy kan die status van jou bestelling enige tyd volg.

- Meld aan op IDTrax.
- Gaan na die Tuisblad (Dashboard).
- Klik op Kuddegeseondheid (Herd Health).
- Kies Entstofbestellings (Vaccine Orders).

Hier kan jy:

- Die status van jou bestelling sien.
- Vorige bestellings nagaan.
- Jou volledige bestelgeskiedenis besigtig.

6



KORREKTIEWE PARING:

Die genetiese waagstuk

Hannah Kruger • SA Stamboek

Korrektiewe paring behels dat 'n dier wat swak is vir 'n eienskap, met een wat uitstekend daarvoor is, gepaar word, met die hoop dat die kalf nader aan die sterk ouer sal wees. Dit werk goed vir eienskappe wat jy direk in die eerste generasie kan sien en waarop jy kan selekteer — soos groei-eienskappe — omdat 'n kalf wat nie verbeter nie, eenvoudig nie vir verdere teling gebruik word nie.

Maar by melk in vleisbeeste kan korrektiewe paring 'n waagstuk wees wat uiteindelik nadelig kan wees.

Waarom melk anders is

'n Bul se gene vir melk word eers sigbaar wanneer sy dogters kalwers het en begin om hulle te speen — dikwels jare nadat hy reeds wyd as 'n teelbul gebruik is.

'n Bul se eie “gemiddelde” melk-teelwaarde beteken nie noodwendig dat albei sy ouers gemiddeld vir melk was nie. Dit kan beteken dat een ouer uitstekend en die ander swak was, en dat die gemiddelde bloot die midelpunt tussen die twee is.

Baie van die navrae wat SA Stamboek ontvang, handel oor bulle wie se Melk EBVi skerp tussen ontledings daal. Dit gebeur byna altyd omdat die vroeë skatting hoofsaaklik op die gemiddelde van die ouers gebaseer was, terwyl die werklikheid eers na vore gekom het toe sy dogters kalwers begin speen het.

'n Werklike voorbeeld

'n Sesjarige bul het tydens sy eerste evaluering goed gelyk: 84 gespeende kalwers, 'n sterk Speengewig EBVi van 135, en 'n gemiddelde Melk EBVi van 101.

Daardie gemiddelde was afkomstig van 'n vader met 'n uitstekende Melk EBVi van 142 en 'n moeder met 'n swak 75 — 'n klassieke korrektiewe paring.




Figuur 1: Hoe korrektiewe paring 'n bul se ware melkpotensiaal kan verberg.



'n Jaar later, nadat 20 van sy dogters hul eie kalwers gespeen het, het sy Melk EBVi tot 60 gedaal — omdat hy meer van sy moeder met die swakker melkpotensiaal as van sy vader met die sterker melkpotensiaal geërf het.

Die moeder se eie Melk EBVi het selfs verder van 75 na 55 gedaal, wat bevestig het dat sy wel 'n lae genetiese potensiaal vir melk gehad het. Intussen het sy Speengewig EBVi stabiel gebly, aangesien hierdie eienskap nie geslagsbeperk is nie en reeds deur data van sy eie nageslag ondersteun is.



Figuur 2: Die bul se Melk EBVi het skerp gedaal nadat data van sy dogters beskikbaar geword het, terwyl Speengewig stabiel gebly het.

Hoe identifiseer jy 'n bul wat die produk van korrektiewe paring is?

Gaan albei ouers se Melk EBVi na. As die bul se eie mid-ouerwaarde binne die “gemiddelde” reeks van 90–110 val, maar een ouer is heelwat onder 90, is hy waarskynlik die produk van 'n korrektiewe paring en kan hy maklik die swakker ouer se melkpotensiaal geërf het.

As albei ouers tussen 90 en 110 val, is hy nie die produk van so 'n paring nie.

Die slotsom

Korrektiewe paring kan werklik help om 'n enkele swakheid in diere reg te stel, en dit is nie altyd 'n probleem nie — sommige kalwers erf wel die beter ouer se gene.

Maar om dit te gebruik om 'n swak ouer vir melk in 'n teelbul te “vereffen”, hou 'n hoë risiko in, omdat:

- Bulle baie meer kalwers as koeie verwek, en enige swakheid dus deur 'n groot gedeelte van 'n kudde versprei kan word.
- Melk 'n geslagsbeperkte eienskap is — die waarheid word eers sigbaar wanneer dogters begin om kalwers te speen, dikwels jare en verskeie kalfseisoene later.
- Teen die tyd dat die waarheid bekend is, kan die kudde reeds vol wees van sy dogters, dragtige koeie en kalwers — met genetiese vordering wat tot stilstand gekom het en talle vroulike diere wat nie geskik is vir kuddeverbetering nie.

Aanbeveling: Koop of teel slegs vervangingsbulle uit ouers wat albei werklik sterk vir melk is — nie uit 'n bul wie se “gemiddelde” syfer moontlik een swak ouer verberg nie.

As jy bereid is om daardie waagstuk te aanvaar, moet jy ten minste weet wat jy koop.



RMIS Naspeurbaarheidsplatform

Stap-vir-Stap Registrasiegids

Hierdie gids verduidelik hoe om 'n Produksie-eenheid op die RMIS Naspeurbaarheidsplatform te registreer.

Stap 1: Maak die RMIS-webwerf oop

- Gaan na die RMIS-webwerf: www.rmis.co.za

1

Stap 2: Registreer jou profiel

- Registreer met jou selfoonnommer.
- Verifieer jou rekening deur die OTP in te voer wat per SMS na jou selfoon gestuur is.

2

Stap 3: Identifiseer jou ligging

- Nadat jy aangemeld het, sal die Tuisblad (Dashboard) verskyn.
- Op hierdie skerm sal jy 'n ikoon sien met die naam "Identify Location".
- Kliek daarop om voort te gaan.

3

Inligting wat benodig word voordat jy begin
Maak seker dat jy die volgende gereed het:

- Selfoonnommer
- Plaasnaam
- Plaasligging
- GPS-koördinate van die plaas
- Veespesie(s)

Inligting wat benodig word wanneer jy weer wil aanmeld

Gebruik jou geregistreerde selfoonnommer en verifieer jou rekening met die OTP (eenmalige PIN) wat per SMS na jou selfoon gestuur word.

Stap 4: Kies jou produksie-eenheid

- Kies die toepaslike produksie-eenheid.
- Indien jy meer as een produksie-eenheid het, kan jy ook die ander opsies registreer.

Die volgende opsies is beskikbaar:

- Gemeenskaplike grond
- Plaas
- Voerkraal
- Veilingsagentskap
- Abattoir
- Verwerker
- Toetsstasie
- Veearts
- Kliek daarna op die "Next"-knoppie regs onder op die skerm.
- 'n Skerm sal verskyn wat verduidelik hoe om jou produksie-eenheid te kies.

4

Stap 5: Vul jou plaasligging in

- Tik jou plaasnaam of die naaste dorp in die soekveld links op die kaart.
- Kies daarna die gedeelte ("Portion") waarin jou produksie-eenheid geleë is.
- Kliek op "Next" regs onder op die skerm.
- Volg daarna die instruksies op die skerm en voltooi die volgende afdelings:

Plaasgrense / Plaasbesonderhede
Verskaf die volgende:

- Of jy die eienaar is of die plaas huur
- Die naam van die produksie-eenheid waarvoor die GLN toegeken moet word

➔



RMIS Naspeurbaarheidsplatform (vervolg)

(Stap 5 vervolg)

Kies jou plaastipe(s)

Merk die toepaslike opsies, byvoorbeeld:

- Beeste
- Skape
- Bokke
- Pluimvee
- Wild
- Suiwel
- Graan
- Varke
- Ander

Kontakbesonderhede

- Kies of die registrasie op naam van 'n:
- Individu, of
- Maatskappy

Voltooi daarna:

- Voornaam
- Van
- Telefoonnommer
- E-posadres

Kliek vervolgens op "Next".

Stap 6: POPIA-nakoming

- 'n Opspringvenster sal verskyn.
- Lees die bepalinge en voorwaardes en gee toestemming deur dit te aanvaar.

Stap 7: Ontvang jou GLN

- Sodra jou registrasie goedgekeur is, sal RMIS 'n Global Location Number (GLN) aan jou produksie-eenheid toeken.
- Jou GLN sal via WhatsApp aan jou gestuur word.

Stap 8: Gebruik van jou GLN

- Gebruik jou GLN in versoenbare stelsels soos IDTrax om die naspeurbaarheid van jou vee te bestuur.



Wie doen wat by die Raad?

President: Johann Fourie

Verantwoordelik vir die Genootskapstrategie gedurende sy termyn.

Vise-President: Willie Landman

Het die vermoë om te enige tyd die taak as president ten volle te hanteer. Tans ook deel van die dagbestuur, wat bestaan uit 4 raadslede wat 5 keer per jaar per vergadering kommunikeer om nodige besluite te neem wat nie noodwendig kan wag tot die volgende raadsvergadering nie.

Die finansiële bestuur word hanteer deur die persoon wat die beste daarvoor is en is nie gekoppel aan die titel nie.

Bemarking word ook deur Willie hanteer, saam met ander raadslede. Weereens word die hantering toegedeel aan die mees kundige en toegewyde persoon vir 'n spesifieke taak. 'n Taak wat met toewyding en passie hanteer word; ure se beplanning en dinkwerk is nodig.

Dr Liesel Foster

As lid van die dagbestuur is daar meer verantwoordelikheid op haar skouers wat besluitneming aanbetref. Sy is ook verantwoordelik vir die hantering van tegniese kwessies en is die skakelpersoon met persone betrokke met navorsing. Die kennis en ervaring met kollegas in die wetskapsmilieu, is van onskatbare waarde.

Henk Delpont

Lid van die dagbestuur en die neem van definitiewe besluite, wat die taak van die dagbestuur is. Is betrokke by bemarking deur gereelde vergaderings en idees, planne en die uitvoering daarvan.

Dit is belangrik om 'n kontakpersoon met SA Stamboek te hê; hy onderskei homself op vele terreine. Voorts ook betrokke by alle Genootskapsaksies deur teenwoordigheid en deelname. Is ook betrokke by die bestuur van die finansies.



JP Theunissen

Betrokke by die finansiële besluite en die persoon betrokke met die raadskoppeling met die Jongboerledegroep. Sal betrokke wees met die reëlins van Nampo Oesdag 2027, wat 'n groot vertoonvenster vir die ras is. Borge dra baie by tot die finansiële sukses van die Genootskap, die werwing van borgskappe word suksesvol deur hom uitgevoer.

Udo Beneke

Verantwoordelik vir die organisasie van die keurdersstelsel, wat keurders, keuringstoere, spesiale keurings en praktiese opleiding behels.

Jean van der Merwe

Die verloop en vloei van kantoorsake word deur hom behartig en kontroleer.

Hy is ook die primêre persoon wat die nasionale veiling en alle aksies daaraan gekoppel, hanteer. Beplanning van plek van aanbidding, veilingshuis, verblyf, spyskaarte.... Noem maar op, koördinering daarvan. Hy is ook betrokke by die twee weeklikse bemarkingsvergaderings, met die voordeel van die ras ten doel.


Willie Watermeyer

Die seleksie van die bul wat die ras gaan verteenwoordig by die prestasieklassiekampioenskappe in 2027, is sy verantwoordelikheid. Ook die aanbied van keurders opleiding (junior en senior), vir die jaar 2027. Deel van die besluitneming in sake die diere wat die ras verteenwoordig by Nampo

Pikkie Uys

Die seleksie van diere vir die nasionale veiling, wat 'n advertensie vir die ras is, word beskou as baie belangrik. Daar is in die beplanning vir die komende jaar, 'n seminaar beplan met veelvuldige interessante en toepaslike onderwerpe. Hy sal 'n groot rol daarin speel. Ook betrokke by deurgaans raad en advies van telers/belangstellendes.

Hierdie is kernidees wat aan onderskeie raadslede toegeken word. In beginsel word van alle raadslede verwag om deurgaans bewus te wees van Drakensbergeraktiwiteite in hulle omgewing en om te alle tye die belange van die ras te beskerm.



PLATINUM



**BAIE DANKIE
AAN AL ONS
BORGES!**

SILWER



BRONS



BEES-BULLETIN **15**
September 2026



Voerkraalkontaknommers

Hier is 'n lys van raadslede, suksesvolle telers en verkopers van Drakensberger speenkalwers en voerkraalaankopers. Kontak enige van hierdie persone vir raad of 'n tweede mening of prys.

NAASTE DORP / STREEK	DRAKENSBERGER BOER / RAADSLID	VOERKRAAL AANKOPER / AGENT
VRYSTAAT		
Brandfort	Fanie van Dyk (Raadslid) 082 774 4952	Johan Botha - 082 856 4409 - Karan
Vrede	Rodney Neuman	Arend Munnick - 071 540 9913 - Verskeie voerkrale
Ficksburg	Henk Delport (Raadslid) 083 300 1131	Thys Fourie - 083 225 4146 -Beefmaster
Welkom	Christo Nel	Jan du Toit - 082 555 4221 - Bemarker
Kroonstad	Gawie Roux	Michael Bezuidenhout - 073 370 7291
Harrismith	Jakob Tsabalala 083 974 9706	
Koppies		Pierre Boutser - 082 499 7997
Bethlehem		Dano van Zyl - 083 385 8285 - Vleissentraal bemarker
MPUMALANGA		
Volksrust	Pikkie Uys (Raadslid) 082 857 5022	Arnold Durr - 082 902 3916 - Karan
Ermelo/Middelburg	Petrus Taljaard (Raadslid) 082 493 4137	Hein - 076 862 0797 - Aankoper Karan David Harris 082 573 7979 - Aankoper Rockdale Industrial (Pty) Ltd

NAASTE DORP / STREEK	DRAKENSBERGER BOER / RAADSLID	VOERKRAAL AANKOPER / AGENT
MPUMALANGA (vervolg)		
Amersfoort		Sakkie Fourie - 082 802 2125 - Verskeie voerkrale
Standerton		Pieter Swanepoel - 083 440 1423 - Chalmar en ander Carel Davel - 082 331 1811 - BKB PM Swart - 083 948 3345 - OVK Gert du Preez - 082 449 5263
KWAZULU-NATAL		
Luneburg	Udo Beneke (Raadslid) 082 797 8088	
NAMIBIË		
Aroab	Gerrit Maritz	
Gobabis		Piet de Wit, +264 81 128 9716 - Beefmaster bemarker
NOORD-KAAP		
Klerksdorp/Tosca	Johann Fourie (Raadslid) 082 772 7716	
Kuruman	Bossie Rens	
Kuruman	Werner Vermeulen	Freddie Markam - 082 920 8893 - Karan Beef, Kuruman
Danielskuil	Franco Joubert	
Deben	Werner Vermeulen	
Zeerust		Coenraad Boshoff - 078 950 5876



Voerkraalkontaknommers

(vervolg)

NAASTE DORP / STREEK	DRAKENSBERGER BOER / RAADSLID	VOERKRAAL AANKOPER / AGENT
NOORDWES		
Potchefstroom	Willie Landman (Raadslid) 083 257 8511	
Louwna	Stuart Collen	
GAUTENG		
Potchefstroom	Jean vd Merwe (Raadslid) 082 719 7521	
Derby	Charlie van Schalkwyk	Barco van Niekerk - 072 384 9057 - Aankoper & afslaer Theo Coetzee - 082 600 8374
KAROO / SUID-VRYSTAAT EN OOS-KAAP		
Zastron	Liesel Foster (Raadslid) 082 373 2427	
Suid-Vrystaat & Oos-Kaap		Pieter Kloppe - 082 807 3752 - Karan Beef Kobus Barnard - 084 202 5205 - Pedriam Trust Blaine Dormehl - 081 889 9486 - Vleissentraal

Indien jy terugvoer het oor goeie prys, raad of goeie aankopers, kontak ons gerus om die name hier by te voeg, ten einde ons medeboere toe te rus met die regte raad en kontakte.



Boer vooruit in September

3 September
Noordwes Drakensberger Klubveiling
Hartbeesfontein

10 September
6+ Veiling
Bultfontein

11 September
Nagenoeg Veiling
Barkly Oos

22 September
Black Hills Veiling
Standerton



BLACK FOX **BF**

KLERKSDORP

Dr Johann Fourie 082 772 7716
johannfourie1964@gmail.com

BLACK HILLS **BH**

POTCHEFSTROOM

Willie Landman 083 257 8511
willie@blackhills.co.za

Jean van der Merwe
082 719 7521

jean@blackhills.co.za

BLYDE **DBB**

SOUTHDOWNS ESTATE

Ingrid de Bruyn 082 415 2477
elivdm@mweb.co.za

BOLLIE **SS**

PAULPIETERSBURG

Johann Schütte 083 676 0500
waldheim@skyafrica.co.za
Ruben Schütte 084 511 6879
rubenjschutte@gmail.com

BONHEIM **BO**

VLAARDIF

Nelmarie van Staden
082 466 4868
bonheim.drakensberger@gmail.com

BRAKENJAN **FD**

BRANDFORT

Fanie van Dyk 082 774 4952
js.vandyk@mweb.co.za

BUFFALO VALLEY **BV**

CAROLINA

Lee Roos 082 809 7941
buffalovalley@skyafrica.co.za
johnjroos@gmail.com

CALELA **JJ**

ERMELO

Jannie Jacobsz 082 820 4706
calelaj@vodamail.co.za

CETONA **C**

KLERKSDORP

PJ Pienaar 079 877 5228
pjpienaar000@gmail.com

DELRAM **D**

FICKSBURG

Henk Delpert
079 612 5995 (Kantoor)
delram.h@outlook.com
delram.s@outlook.com

DRAKENKRAAL **DK**

PARYS

Wesley Abourizk 0824950574
wesley@ssendra.co.za
jptheunissen@ssendra.co.za

DRIE D **XWX**

BARKLY-OOS

Skillie du Randt 082 771 0716
sdurandt@vodamail.co.za

D'HOFSTEE **AAD**

HEIDELBERG

Jan & Elna Dhooge 082 892 5762
jandhooge67@gmail.com

FERAX **RG**

BROOKLYN PLEIN

Gerrit Grobler 082 784 1501
gerritgrob@law.co.za

FRELON **F**

VREDE

Leonard Neuman 072 535 0197
rodney@neumandrakensbergers.co.za

GRASMUNT **CL**

BRANDFORT

Carel Nel 082 828 1984
carelnel02@gmail.com

GROENVLEI DRAKENSBERGER

STOET **G**

PRETORIA

Werner Krynauw 071 607 1086
werner.j.krynauw@gmail.com

GRYSHOEK **PU**

VOLKSRUST

Pikkie Uys 082 857 5022
identity.redken@gmail.com
laansuys@gmail.com

GUNNER DRAKENSBERGERS

LEANDRA

Xander Gunter 071 510 8076
iti06689@mweb.co.za

HAASKRAAL **VN**

RICHMOND

Van Zyl Naudé 082 664 3466
haaskraal@vodamail.co.za

HANSEL **HAS**

PAULPIETERSBURG

Dr Hans Schütte 082 419 0226
hanselna@lantic.net

HENDRIK HANCKE **HP**

BETHAL

Hendrik Hancke 073 135 8753
hphancke1@gmail.com

HORMAN DRAKENSBERGERS

CH

BETHAL

Carl Hancke 083 384 6771
hancke.ch1@gmail.com

HUGHDALE **SL**

NOUPOORT

SP van der Walt 063 775 5662
sp@lcom.co.za

HYMGERT **HN**

VREDE

Rodney Neuman 082 746 8142
rodney@neumandrakensbergers.co.za

INFRACOR **IR**

PRETORIA

Derick Orsmond 083 273 6432
derick@infracor.co.za



JESUMAR LI**DEWETSDORP**

Freddie Wasserfall 082 556 4452
wasserfallfreddie@gmail.com
Neels Wilken 083 638 2152
elmien.wilken@gmail.com

M & M BOERDERY MM**BETHAL**

MJ van Vreden 082 838 1858
mj@mmboerdery.co.za

MAMBANE BJ**VREDE**

Louis Botha 082 825 2431
bothaboerdery04@gmail.com

MOBAZA BZ**CENTURION**

Monja Esterhuizen 084 580 5808
info@mobaza.co.za
monjaest@gmail.com

NADAU JR**HANOVER**

Johannes Retief 082 385 1821
johannesretief1@gmail.com

NEBA NB**VERKYKERSKOP**

Bertus Nel 061 114 6492
bruwershoek@gmail.com

NEUSBERG DRAKENSBERGERS**NBD****MIDDELBURG**

Clift Frewen 079 015 1010
neusberg@neusbergkaroo.co.za

NITIQUE NY**HANOVER**

Grant Naude 076 700 3855
kriegerspoort@nitique.co.za
tamarynnaude@gmail.com

PALMIETFONTEIN JP**BETHAL**

JP Louw 060 966 8108
jplouw07@gmail.com

PATRYSVLUG PV**EXCELSIOR**

Jan-Louis Wessels 083 251 6294
patrysvlugtkantoor@gmail.com

QUAGGAFONTEIN QH**ZASTRON**

Dr Liesel Foster 082 373 2427
t/a FOSTERS FIELD PTY (PTYD)
fosterliesel@gmail.com

RAKA JDE**CRADOCK**

Frans & Jan Erasmus
083 488 5511 jde009@gmail.com
fnerasmus@gmail.com

RIETKOL R**KRUGERSDORP**

Piet J De Villiers 073 143 3985
pietvilliers@gmail.com

ROUVUS GR**VENTERSBURG**

Gawie & Frik Roux 083 264 5487
gawiedrakensberger@gmail.com
FR0834551264@outlook.com

SABRIELIE JE**BLOEMFONTEIN**

Elsabé Deacon 076 812 6113
elsabedeacon@gmail.com
Lambert Jacobs 073 620 2930
lambertvharts@gmail.com

SALOME NW**VOLKSRUST**

Willie Watermeyer
073 640 6151
Carl Watermeyer 083 458 1204
willie.watermeyer@gmail.com

SAMBESI SK**KLERKSDORP**

Dr Sampie Smith 082 940 9283
sampie.smith@yahoo.com

SMOKEY MOUNTAIN QJO**MACHADODORP**

Dr Quinton van Oudtshoorn
082 888 5688
quintonvo37@gmail.com

SSENDRA TD**KOPPIES**

JP Theunissen 079 417 2639
jpthunissen@ssendra.co.za
wesley@ssendra.co.za

TALMAN I**ERMELO**

Petrus Taljaard 082 493 4137
talmanpt@gmail.com
emmerencia.taljaard2@gmail.com

Stoettelers

(vervolg)

TURFKUIL MF**BULTFONTEIN**

Frannie du Toit 072 355 7601
turfkuildutoit@gmail.com

VAN DYK DRAKENSBERGERS**VD****MIDDELBURG**

Andre van Dyk 072 562 7567
avdboerdery10@gmail.com

VERLAND VL**AROAB, NAMIBIË**

Gerhard Maritz 081 300 6368
sgmaritz@africaonline.com.na
sgmaritz@iway.na

WALDBERG U**LUNEBURG**

Udo Beneke 082 797 8088
waldbergdrakensbergers@gmail.com

BLY OP HOOGTE

Bly op hoogte van al die
Drakensbergernuus – word deel
van ons kommunikasiekanaal:

Stuur 'n WhatsApp na:

<https://wa.me/message/MFAU-MIBMHBIBB1>

OF Telegram:

<https://t.me/DrakensbergerSA>

BEES-BULLETIN 19

September 2026



ProAgri

Jou vennoot in veilingsbemarking

Alles onder één dak:



Katalogusse – druk & digitaal



Video's – lot & promosie



Foto-skoonmaak – professionele beelde



Ontwerp – advertensies, logo's, pamflette



Sosiale /digitale dekking – Facebook, WhatsApp & Aanlyn artikles



Uitnodigingsvideo's – laat jou veiling uitstaan



Waarom ProAgri?



Ons verstaan die
landbou en veilingsbedryf



Treffende bemarking vir maksimum
blootstelling van jou veiling



Professioneel, vinnig en doelgerig

Bianca Pretorius : +27 82 326 2572 | Bianca@proagri.co.za

Tiny Smith : +27 82 698 3353 | Tiny@proagri.co.za

 Agri4all

 PROAGRIMEDIA

Laat ProAgri jou veiling na die volgende vlak neem!